

Nailihimayauyuq haffumani Nunamiuttait tuktut taiyauvagaat uumani Wek'èezhìì
Annguhiqinikkut Katimayiita unipkaaqhimayangit, tukiqaqtut "Hungmangaat
Ihumaliuryikhaanut Ilagiyangit Atauttimut Tukhiutigiyangit Amiqhainikhamut Bluenose-Kivataa Ɂekwò (Ahiap tuktungit) Amihuaryuit – ILAINNA A B"

Una Ahiap tuktungit Wek'èezhìì Annguhiqinikkut Katimayiita (WRRB) amiqhaivagaat niryutit amiqhainikhanut iluani ahiami tuktungit taiyauvagaat Wek'èezhìì amiriqatigiivlugillu amiqhaivaktut aulapkaivakhutik haffumani Bluenose-Kivataani tuktungit amihuaryungit. Uvani Hikutirvia 2015mi, Avatiliqiyit Pilirivvingit Avatikhaitalu (ENR), Nunatsiaq Kavamaita (GNWT) unipkaarihimayangit, tautukhugit hamna Bluenose-Kivataani amihuaryuit ikivallaaruyaumayut amiqhaigiaqahutik upautigiaqtaqtangillu kiugiaqtaqtangit.

Uvani Ubluirvia 2015 mi, hamna aallat Tłı̨chǫ Kavamangit (TG) unalu ENR turaarvighimayangit haffumani *Atauttimiutiyangit Tukhiutikhait uumani Tuktunut Amiqhidjutinut Upautiyakhait haffumani Bluenose-Kivataani Amihuaryungit 2016-2019* Katimayiuyunut, tukhiutaqhimayangit nutaamik kiglilingnit anguniaqtut, niqhiuqtunut amiqhainikhainut nailinahuariangani amaqqt amihuuningit ukiumi nunaani haffumani nunamiuttanillu amiqhairsaariangani. Itquummattiaqtangit, TG unalu ENR tukhiutihimayangit pilimmakhaigiangani amihuaryuit-hivityumik tamatkiunikhainut angunialaaqtangit uumani 950 anguhallut-kihimi unalu avvautikhanut haffumani Bluenose-Kivataani tuktut amihuaryuit aulapkainahuarlugillu aktuuminaqtumik ihivriurnikhait tamatkiumayumik amaqqt amiqhaidjutikhanut upautiyakhaat. Hamna WRRB ihumagiyaat amiqhilluariaqtaqtangit anguniarnikhainut uuminngaluuunit ilaa haffumani anguniarnikhainut aulapkaivikhangit tamatkiumayangit atuqtakhainnit anguniarnikhainut (TAH). Qimilruqtaaqhimavlugit qauyihaqhugillu haffumani tukhiutauhimaningit, una WRRB malittiaqhimavlutik Ilainnaa 12.3.10 haffumani Aallat Tłı̨chǫ Angirutaanit unalu katimapkaivlutik tuhaumagiangani Behchokò, NT uvani Qitiqqautiyumi 6-8, 2016.

Hamna WRRB qaangiqhimayait, tamatkiqhugit tamainnut Nunaqaqaaqhimayunut qauyihaqtauhimayangillu naunaiqpiqhimayangit, taamna hapummilluarnikhait ihumaaluutaulluaqhuni tautungnaqhuni haffumani Bluenose-Kivataani tuktungit amihuaryuit ilagiffaariaqahunilu amiqhainikhainut upautigialik ihumagiyaulluaqhuni amihuaryuit utiffaariangani. Kihiani, qayangnaqtumik ihumagiyaulluaqahuni tamaat ilittuqhimayait uumani naunaiqtauhimayut unalu maligiaqahugulu maligautait ikaarvikhaat, unalu WRRB ihumagivlugulu upalungairiirlugit malrurnik aallat unipkaarutait kiuhimagiangani tukhiutaqtait amiqhidjutikhanut upautiyakhaat iluani atauttimut amiqhidjutikhanut tukhiutaanit. Una hivulliqpaanga unipkaarutaat, Ilainnaa A mi, tukhiutigihimayangit anguniarnikkut amiqhidjutikhanut upautinikhait maligiaqahugillu maliguarutainit aallannguqtiquhimagianganit taimaa nutaamik maliguarutiqariangani inikhaliuriangani aullaqtiqhimagianganit uvani 2016-2017 anguniarvikhanut ukiumi aturvikhaat, uuminngalu tukhiutaqhimayait unalu amaqqunut aktuumivikhaanit ihivriurningit.

Hamna Bluenose-Kivataani Ɂekwò amihuaryuit qanurilinganig nakuunngitpiaqtuq, hamna Katimayiit ikpigihuutigiyangit amiqhailluarnannngittuq nailinahuariangani niplautigiyangit anguniarnikhainut amiqhidjutigut taamna ayuqhautihimalluaqtangit amihuaryuit malilaqtaat aulayuittamingni ininganit uuminngattut Kingaop tuktungit amihuaryuit taimaa

tammaqpallianiaqhutik qakugu. Una tugliriyaat unipkaarunmi, Ilainnaa B mi, amiqhivluniuk ilagivlugu niqiqhaqhiuqtunut amiqhaidjutikhanut upautiyakhaat, nunamiuttait avatinut amiqhaivikhangit, unalu angklivallianingillu aktuqtauningit.

Ukpiqhutik haffumanı tukhiutikhainit, una Ɂehdzo Got'ınę Gots'ę Nákedi/Sahtú Annguhiqinikkut Katimayiit (SRRB) hapkuallu WRRB sainiqhimayangit "Titirariiqlihimayumi Kangiqhidjutaanit Haffumanı Ilauqatigiikhimayangit Uuktuutikhait Amiqhaidjuhikhanut haffumanı Bluenose-Kivataani Tuktungit Amihuaryuit" uvani Tattiarnaqtuq 2015 mi malittiaqhimagiami amiqhaidjutikhanut piliriakhait ilagiyangit uumani Bluenose-Kivataani ɂekwò amihuaryuit aulapkaigiaqaqtuq qilamik. Tamaat Katimayiit piliriaqhimayangit inmi, uuminngalu katimapkaihimayut kitunuliqaak tuhaumayakhaat tamarmik uvani Sahtú unalu Wek'eezhìi nunangani, turaarvígivlugillu inmi Qanurilinganigít Ihumaliuqtakhaat unipkaanga.

Una WRRB kangiqhittiaqtut nanminiqhiigiangani haffumanı Tłchǫ Nunamiuqatigiit nanminirilugit haffumanı Katimayiita akhuuqhimayainnit kiudjuhingillu ihumagiyaulluaqtangit taamna Tłchǫ maligait pilimmakhariangani Tłchǫ inuudjuhianit aturaariangani pitquhiriyat inuuttiarnikhangillu katilevihimayut tuktuni. Kihiani, hamna WRRB tukhiutigihimayangit katimadjuditigilugillu ukunanngat inungnut aallat Tłchǫ nunalit ihumaliuriangani iniliurnikhat pilimmakhaigiangani haffumanı inungnut aallanut Tłchǫ maligait.

Ilagivluniuk, hamna WRRB tukhiutigihimayangit amihut Tłchǫ Qauyimayangit (TK) qauyiharningit amiqhainingillu piliriakhait hivumuutigiyakhaat amaqqunut, akhainut, ihumaalutigiyangillu aallat aktuqtauhimayait tuktunut qunguhirmilingnit tingmianut kuinginnarningit, ihivriuqtauhimayait nakuudjutikhaat amihuunikhanut tamarmik auyami ukiumilu niqikhait.

Hamna Katimayiit kiugiaqaqtangit nunamiunut ihivriuqtakhait akhainut uuminngalu tuhkiutigiyangit taapkuat Nunamiuttait – ahiaimi Tuktut Qauyiharnikhait Katimadjuditigilugit (BGCTWG) hivunikhainut nunami amiqhainikhanut naunaitkutikhaat pivallialunilu kigliliuqtakhait malikhimalugit amiqhainikhanut upautiyakhaat amiriyaulaaqtut ihivriuqhimalaaqtullu. Tamaat qauyiharningit unalu TK amiqhainikhanut naunaitkutikhaat ikayuutauniaramik uvunga BGCTWG aipaagunnguraangat aturaaqhimayakhainit havaariyuminaqtumik amiqhainikhanut.

Una WRRB tukhiutigihimayangit pilimmakhainrnut haffumanı inungnut aallat Tłchǫ Nunanut Aturnikhainnut Aulapkaivikhaat uuminngalu iniqquiaqhimalugit Nunanut Atuqtaunikhainnut Upalungaiyautait amiakkurvikhaat Wek'eezhìi. Hamna Katimayiit kiutquiyangit pivallianikhait uumani hivunikhangit hapummigiangani tuktut nayuqpauhingit, ilaliutigiyangillu imait ikaarvingit unalu *tataa* (milviit uvani imarmi), atuqhimalugit Hapummiviit Ininganit iluani NWT'p *Niryutit Maligaq*, avvautingit unalu ihumagiyaulluaqtangit-ihumaalutigiyauyuq unalu ikulannirumik amiqhaivikhaat upalungaiyautit. Ilagivluniuk, hamna WRRB kiuhimayangit huli ihuaqhaiffaariangani haffumanı pivallianikhait amiqhainikhanut kigliit haffumanı hilaup naunaiyainingit.

Ukunanngat Bluenose-Kivataani tuktut amihuaryuit ihumaalutigilluaqtangit, tamainnut atuqhimavagaat amiqhainunullu upautigiaqaqtut qilamiuqtumik, qanurilingayakhaallu,

hapumminahuarlugit amihuaryuit hivunikhaanut utiffaariangani qakugunnguqqat. Ilagiyangit, qauyiharningit uvani aquhimayunut haffumanikivalliahimayunit ilagiyangillu ukunanngat zekwò, aahiit niryuillu inuillu aulapkaillaqtut kangiqhinirmut Bluenose-Kivataani amihuaryungit.

“Ilihimayaqquuttauq ilitquhiqaqhutik ikivalliavakhutiktauq. Ilittuqhimagaangat, nanminirivluniuk nunaup avataita, inmi – inmikkut utiffaaqpakhutik. Kihimi akihautingit ublumi ilitquhirinngittangit. Hiliaryuanguuvluni. Amihuuyut aallatqiinggauvlutik akihautiqarlualiqtut atuqhimanngitkaluaqtangit qangaraalungmi. Tadja akihautilluangit angiyyaaqhutik.”¹

Dr. John B. Zoe

¹ PR (BNE) – 044: Transcript – February 24, 2016 (Day 1) – Bathurst Caribou Herd Public Hearing (Unipkaariyanga ilanga – Iidjiruria 24, 2016 (Ublua 1) – Kingaop Tuktungit Amihuaryuit Kitunulikaak Tuhaumayakhaat). Makpiraq 138.